

«Եվրասիական
տնտեսական միության
մասին» պայմանագրի

ԱՐՁԱՆԱԳՐՈՒԹՅՈՒՆ

**Գազափոխադրման համակարգերով գազի փոխադրման ոլորտում բնական
մենաշնորհների սուբյեկտների կողմից մատուցվող ծառայությունների
հասանելիության կանոնների, այդ թվում՝ գնագոյացման և սակագնային
քաղաքականության հիմունքների մասին**

1 «Եվրասիական տնտեսական միության մասին» պայմանագրի (այսուհետ՝
Պայմանագիր) 79-րդ, 80-րդ և 83-րդ հոդվածների համաձայն՝ սույն Արձանագրությամբ սահմանվում են գազի ոլորտում համագործակցության հիմքերը,
գազափոխադրման համակարգերով գազի փոխադրման ոլորտում բնական
մենաշնորհների սուբյեկտների կողմից մատուցվող ծառայությունների
հասանելիության ապահովման սկզբունքներն ու պայմանները, այդ թվում՝
գնագոյացման և սակագնային քաղաքականության հիմունքները՝ անդամ
պետությունների պահանջարկները բավարարելու նպատակով:

2 Սույն Արձանագրության մեջ օգտագործվող հասկացություններն ունեն
հետևյալ իմաստը՝

«գազի նկատմամբ ներքին պահանջարկ»՝ անդամ պետություններից
յուրաքանչյուրի տարածքում սպառման համար անհրաժեշտ գազի ծավալները,

«գազ»՝ գազանման ածխաջրածնի և այլ գազերի վառելիքային խառնուրդ, որն
արդյունահանվում և (կամ) արտադրվում է անդամ պետությունների տարածքներում,
և հիմնականում քաղաքացած է խտացված գազանման վիճակում գազափոխադրման
համակարգերով փոխադրվող մեթանից,

«գազ արդյունահանող անդամ պետություններ»՝ անդամ պետություններ, որոնց
տարածքում ավելի քիչ գազ է սպառվում, քան արդյունահանվում և արտադրվում է,

«գազ սպառող անդամ պետություններ»՝ անդամ պետություններ, որոնց
տարածքում ավելի շատ գազ է սպառվում, քան արդյունահանվում և արտադրվում է,

«գազափոխադրման համակարգեր»՝ շինություններ գազի փոխադրման համար՝
ներառյալ մագիստրալային գազատարների շինությունները և միասնական

տեխնոլոգիական գործընթացով դրանց հետ կապված օբյեկտները՝ բացառությամբ գազաբաշխման ցանցերի,

«գազի փոխադրման ոլորտում բնական մենաշնորհների սուբյեկտների կողմից մատուցվող ծառայությունների հասանելիություն»՝ անդամ պետությունների բնական մենաշնորհների սուբյեկտների կողմից կառավարվող գազափոխադրման համակարգերի օգտագործման իրավունքի շնորհում՝ գազափոխադրման համար,

«գազի հավասարաեկամտաբեր գներ»՝ գազի մեծածախ գներ, որոնք ձևավորվել են ներքին պահանջարկը բավարարելու համար՝ ելնելով՝ այդ թվում՝ հետևյալ սկզբունքներից.

գազ արդյունահանող անդամ պետությունների համար շուկայական մեծածախ գնի ձևավորումն իրականացվում է արտաքին շուկայում գազի վաճառքի գնից հանելով այդ պետություններում գանձվող տուրքերի, վճարների, հարկերի, այլ վճարումների արժեքները, ինչպես նաև գազ արդյունահանող պետությունների սահմաններից դուրս գազի փոխադրման արժեքը՝ հաշվի առնելով գազի մատակարարի արտաքին և ներքին շուկաներում գազի փոխադրման արժեքի տարբերությունը,

գազ արդյունահանող անդամ պետությունների համար շուկայական մեծածախ գին, որի ձևավորումն իրականացվում է գազ արդյունահանող պետության արտադրողի կողմից արտաքին շուկայում գազի վաճառքի գնից հանելով տուրքերը, վճարները, հարկերը, այլ վճարումներ, ինչպես նաև գազ արդյունահանող անդամ պետությունների սահմաններից դուրս գազի փոխադրման արժեքը,

«գազի փոխադրման ծառայություններ»՝ գազափոխադրման համակարգերով գազի փոխադրման ծառայություններ,

«լիազոր մարմիններ»՝ սույն Արձանագրության կատարումը հսկելու համար անդամ պետությունների կողմից լիազորված մարմիններ:

3 Անդամ պետություններն իրականացնում են Միության՝ գազի ընդհանուր շուկայի փուլ առ փուլ ձևավորումը, ինչպես նաև ապահովում են անդամ պետությունների գազափոխադրման համակարգերով գազի փոխադրման ոլորտում բնական մենաշնորհների սուբյեկտների կողմից մատուցվող ծառայությունների հասանելիությունը՝ ելնելով հետևյալ հիմնական սկզբունքներից.

1) փոխադարձ առևտրում ներմուծման և արտահանման մաքսատուրքեր, (համարժեք նշանակություն ունեցող այլ տուրքեր, հարկեր և վճարներ) չկիրառելը,

2) անդամ պետությունների գազի ներքին պահանջարկի առաջնահերթ բավարարումը,

3) անդամ պետությունների գաղի ներքին պահանջարկը բավարարելու նպատակով մատուցվող գաղի փոխադրման ծառայությունների գներն ու սակագները սահմանվում են՝ անդամ պետությունների օրենսդրության համաձայն,

4) անդամ պետություններում գաղին առնչվող նորմերի ու չափանիշների միասնականացումը,

5) բնապահպանական անվտանգության ապահովումը,

6) տեղեկատվության փոխանակումն այն տեղեկությունների հիման վրա, որոնք գաղի ներքին սպառման վերաբերյալ տվյալներ են պարունակում:

4 Գաղի փոխադրման ոլորտում բնական մենաշնորհների սուբյեկտների կողմից մատուցվող ծառայությունները հասանելի են դառնում՝ սույն Արձանագրության պայմաններին համապատասխան, որոնք սահմանվել են միայն անդամ պետությունների տարածքներից առաջացած գաղի նկատմամբ: Սույն Արձանագրության դրույթները չեն տարածվում այն հարաբերությունների վրա, որոնցով կարգավորվում է բնական մենաշնորհների սուբյեկտների կողմից մատուցվող ծառայությունների հասանելիությունը, որը կիրառելի է երրորդ պետությունների տարածքներից ծագման գաղի դեպքում, և Միության տարածքից ու Միության տարածք գաղի փոխադրման ոլորտին առնչվող հարաբերությունների վրա:

5 Սույն Արձանագրությամբ նախատեսված՝ անդամ պետությունների գաղափոխադրման համակարգերով գաղի փոխադրման ոլորտում բնական մենաշնորհների սուբյեկտների կողմից մատուցվող ծառայությունների հասանելիության ապահովման պայմանն է՝ անդամ պետությունների կողմից համալիր միջոցառումների իրականացումը, որը ներառում է.

տեղեկատվության փոխանակման համակարգի ստեղծումն այն տեղեկությունների հիման վրա, որոնք գաղի ներքին սպառման վերաբերյալ տվյալներ են պարունակում,

ինդիկատիվ (կանխատեսվող) հաշվեկշիռների պատրաստման մեխանիզմների ստեղծումը՝ սույն Արձանագրությանը համապատասխան,

անդամ պետություններում գաղին առնչվող նորմերի ու չափանիշների միասնականացումը,

անդամ պետությունների տարածքներում գաղի վաճառքի առևտրային շահութաբերությունն ապահովող շուկայական գների պահպանումը:

Անդամ պետությունների կողմից սույն կետում նշված համալիր միջոցառումների իրականացման ավարտը ձևակերպվում է համապատասխան արձանագրությամբ:

6 Անդամ պետությունները ձգտում են գաղի հավասարաեկամտաբեր գների հաստատմանը բոլոր անդամ պետությունների տարածքներում:

7 Սույն Արձանագրության 5-րդ հոդվածում շարադրված համալիր միջոցառումների՝ բոլոր անդամ պետությունների կողմից իրականացնելուց հետո անդամ պետությունները, եղած տեխնիկական հնարավորությունների, գազափոխադրման համակարգի ազատ հզորությունների սահմաններում, հաշվի առնելով Միությունում գաղի համաձայնեցված ինդիկատիվ (կանխատեսվող) հաշվեկշիռը և հիմնվելով տնտեսավարող սուբյեկտների իրավաքաղաքացիական պայմանագրերի վրա, անդամ պետությունների գաղի ներքին պահանջարկը բավարարելու նպատակով նախատեսված՝ այլ անդամ պետությունների տնտեսավարող սուբյեկտների կողմից գաղի փոխադրման համար անդամ պետությունների տարածքներում տեղակայված գազափոխադրման համակարգերի հասանելիությունն ապահովում են հետևյալ կանոններով.

այլ անդամ պետության գազափոխադրման համակարգը հասանելի դարձնել անդամ պետությունների տնտեսավարող սուբյեկտների համար այնպիսի հավասար պայմաններով՝ ներառյալ սակագները, որոնցից օգտվում են նաև այն անդամ պետության գազափոխադրման համակարգի սեփականատեր չհանդիսացող գազարտադրողները, որի տարածքով իրականացվում է փոխադրումը,

գաղի փոխադրման ծավալները, գները և սակագները, ինչպես նաև գազափոխադրման համակարգերով գաղի փոխադրման առևտրային և այլ պայմաններ սահմանվում են անդամ պետությունների տնտեսավարող սուբյեկտների միջև կնքված իրավաքաղաքացիական պայմանագրերով՝ անդամ պետությունների օրենսդրությանը համապատասխան:

Անդամ պետություններն աջակցում են իրենց տարածքներում գործունեություն իրականացնող տնտեսավարող սուբյեկտների միջև «Մագիստրալային գազատարներով գաղի փոխադրման մասին» գործող պայմանագրերի պատշաճ կատարմանը:

8 Գաղի, նավթի ու նավթամթերքի ինդիկատիվ (կանխատեսվող) հաշվեկշիռների ծևավորման մեթոդաբանության համաձայն՝ անդամ պետությունների լիազոր մարմինները Հանձնաժողովի մասնակցությամբ մշակում ու համաձայնեցնում են Միությունում գաղի ինդիկատիվ (կանխատեսվող) հաշվեկշիռը (ներքին պահանջարկի բավարարման համար նախատեսված արտադրություն, սպառում ու մատակարարումներ, այդ թվում՝ փոխադարձ), որը կազմվում է 5 տարով և հստակեցվում՝ մինչև յուրաքանչյուր տարվա հոկտեմբերի 1-ը:

Հաշվի առնելով գաղի համաձայնեցված հաշվեկշիռ՝ անդամ պետությունների ներքին շուկաների համար հասանելի են դարձնում գազափոխադրման ոլորտում բնական մենաշնորհների սուբյեկտների կողմից մատուցվող ծառայությունները:

9 Անդամ պետությունները ծգտում են զարգացնել երկարաժամկետ փոխահավետ համագործակցությունը հետևյալ ոլորտներում.

1) գաղի փոխադրումն անդամ պետությունների տարածքներով,

2) գաղատարների, գաղի ստորգետնյա պահեստարանների և գաղի պահուստների ենթակառուցվածքի այլ օբյեկտների շինարարությունը, վերակառուցումն ու շահագործումը,

3) անդամ պետությունների ներքին պահանջարկի բավարարման համար անհրաժեշտ սպասարկման ծառայությունների մատուցումը:

10 Անդամ պետություններն ապահովում են անդամ պետությունների տարածքներում տեղակայված գաղափոխադրման համակարգերի գործունեությունը կանոնակարգող նորմատիվատեխնիկական փաստաթղթերի միասնականացումը:

11 Սույն Արձանագրության դրույթները չեն ազդում անդամ պետությունների՝ միջազգային այն պայմանագրերից բխող իրավունքների և պարտավորությունների վրա, որոնց մասնակիցն են իրենք:

Գաղափոխադրման ոլորտում անդամ պետությունների՝ Պայմանագրով չկարգավորվող հարաբերությունների նկատմամբ կիրառվում է անդամ պետությունների օրենսդրությունը:

12 Պայմանագրի XVIII բաժնի դրույթները կիրառվում են գաղի փոխադրում իրականացնող՝ բնական մենաշնորհների սուբյեկտների նկատմամբ՝ հաշվի առնելով սույն Արձանագրությամբ նախատեսված առանձնահատկությունները:

13 Պայմանագրի 83-րդ հոդվածի 3-րդ կետով նախատեսված՝ Միությունում գաղի ընդհանուր շուկայի ծնավորման մասին միջազգային պայմանագիրն ուժի մեջ մտնելու ժամանակահատվածի ընթացքում գործում են գաղի մատակարարման ոլորտում անդամ պետությունների միջև կնքված երկկողմանի պայմանագրերը, եթե համապատասխան անդամ պետություններն այլ բան չպայմանավորվեն:
